



COMUNE DE ROMANA

DELIBERATZIONE DE SA GIUNTA COMUNALE N. 24 DE SU 23/02/2023

OGETU: Aprovatzione Pianu de sos interbentos in matèria de Políticas Familiares de su Comune de Romana pro s'annu 2023/2024

S' annu duamìgia e bintitres sa die bintitres de su mese de Freàrgiu a sas 11:00, in sa SALA GIUNTA, acumpridas in antis totu sas formalidades prevididas dae sa Lege e dae s'Istatutu, s'est reunida sa Giunta Comunale suta de sa presidèntzia de su Sìndigu CATTE LUCIA.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	CATTE LUCIA	EMMO
VITZESÌNDIGU	PISANU DARIO	EMMO
ASSESSORE	MELONI PIETRO	EMMO
ASSESSORE	SOLE VALERIA	NONO

Presenti n° 3 Assenti n° 1

Partètzipat su Segretàriu Generale DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su Sìndigu CATTE LUCIA, in sa calidade sua de Presidente, leat sa presidèntzia e decrarat aberta sa setziada pro trattare s'ogetu torradu a giùghere in subra.

.

SA GIUNTA COMUNALE

Bidas:

- sa Lege 8 de santandria de su 2000 n.328 chi tratat "Lege cuadru pro sa realizatzione de su sistema integradu de sos servìtzios sotziales" e in s'ispetzìficu s'art. 16 chi reconnoschet su ruolu fundamentale de sas famìllias in sa formatzione e in su contivìgiu de sa pessone, in sa promotzione de su de istare bene e in su pessighimentu de sa coesione sotziale, in sos còmputos chi sa matessi acumprìt siat in sos momentos crìticos e de discumbèniu siat in s'isvilupu de sa vida de onni die;
- sa Lege Regionale 23.12.2005 n.23 "Sistema integradu de sos Servìtzios a sa pessone. Abrogatzione de sa lege regionale n.4 de su 1998. Riòrdinu de sas funtziones sòtzio-assistentziales" chi in s'artìculu 9 reconnoschet sas famìllias comente sugetos ativos e atores sotziales de su sistema integradu, in forma dereta e pro mèdiu de assòtzios e entes de rapresentàntzia, in sa programmatzione, realizatzione e valutatzione cuncordada de sos interbentos;
- su documentu de programmatzione (PLUS-Pianu Locale Unitàriu de sos Servìtzios a sa pessone) 2012/2015 de su Distretu sòtzio-sanitàriu de s'Alighera, aprovalu in Cunferèntzia de programmatzione su 15.10.2012;
- comente a manera imbeniente modificadu e integradu, comente traste de importu mannu in sa preventzione de su discumbèniu e puru de promotzione de sa partetzipatzione a sa vida comunitària;

Bida sa delìbera de sa Giunta Regionale n. 37/12 de su 01/08/2017 cun sa cale est aprovalu su Protocolu de intesa tra sa Regione Sardigna e sa Provìntzia Autònoma de Trento pro sa promotzione e sa difusione de pràticas bonas in matèria de polìticas pro sa famìllia. In particolare sos àmbitos de interventu de su protocolu de intesa sunt de torrare a:

- promotzione de sos istrumentos comente: màrchios famìllias, istandard famìllia, pianos de famìllia, distretos famìllia, sussidiariedade orizzontale e sistemas chi prèmiant siat in sa vida amministrativa siat de guvernu de s'Istituzione, pro fàghere madurare una cussientzia de favore prus mannu in sos cunfrontos de sa famìllia, in collaboratzione e cun sa partetzipatzione dereta de totu sos atores e sos organismos de sa sotziedade tzivile chi costituint e rapresentant subra su territòriu su sistema famìllia, partende dae su ròlu de importu acumpridu dae sos assòtzios familiares;
- promotzione de s'inghitzu de su protzessu "Family Audit", isvilupadu dae sa Provìntzia autònoma de Trento cun sas lìnias ghiadoras pròpias, pro favorèssere su megioramentu de sas polìticas de contziliatzione tra vida de famìllia e traballu, in un'idea sussidiària tzirculare chi bidet interessados tres atores: "Istituzione, Impresas e Famìllias", pro fàghere crèschere una cultura de gestione de su personale in azienda orientada a sa

famìllia;

Reconnotu chi:

- in data 10 de trìulas de su 2009 sa Provìntzia Autònoma de Trento at aprovalu su Libru Biancu subra de sas polìticas familliares e pro sa natalidade pro mèdiu de sa cale si cheret pessighire una polìtica de valorizatzione e de sustennu de sas funtziones diferentes chi sa famìllia acumprìt in sa sotziedade, in s'àmbitu de un'istratègia cumplessiva indirizzata a annoare sas polìticas familiares e a ammaniare sas fundamentas pro sa realizatzione de unu territòriu sensibile e amigu de sa famìllia;;
- cun s'aprovalzione de sa Lege Provintziale 2 de martzu de su 2011, n. 1 chi tratat "Sistema integradu de sas polìticas istruturales pro sa promotzione de su benèssere familiare e de sa natalidade", est istada assentada torra s'architettura de sas polìticas familliares provintziales, ingendrende unu sistema de polìticas istruturales orientadu a mantènnere su benèssere de sas famìllias pro lis dare tzertesas, chirchende de intzìdere a manera positiva subra de sos progetos suos de vida relativos;
- cun Lege Provintziale de su 16 de martzu de su 2012 n. 2 est istadu aprovalu su disciplinare nou pro s'assegnatzione de su màrchiu "Family in Trentino - Categoria Comuni";

Reconnotu chi:

- sas finalidades de sa lege sunt cussas de realizare unu sistema integradu de interbentos de acumprìre cun una collaboratzione contemporànea e istruturale tra sas polìticas de s'educatzione, de s'istrutzione, de sa formatzione professionale e de su traballu, culturales, giovaniles, ambientales e urbanìsticas, de sa gestione de su tempus liberu, de s'isport e de su tempus liberu, de sa chirca e de àteras polìticas chi cuncurrent a ismanniare su benèssere de sa famìllia;
- s'afortiada de sas polìticas familiares interbenit subra de sa dimensione de su benèssere sotziale e permitit de minimare sa farta de agregatzione sotziale tra sa gente e de prevènnere situatziones dàbiles de discumbèniu, aumentende e afortiende sa sotziedade e dende e sutalineende s'importàntzia chi at sa famìllia in s'òpera de afortiare s'unione e sa seguresa sotziale de sa comunidade locale;

Bida sa delìbera de sa Giunta Regionale n. 37/12 de su 01/08/2017 cun sa cale est aprovalu su Protocolu de intesa tra sa Regione Sardigna e sa Provìntzia Autònoma de Trento pro sa promotzione e sa difusione de pràtigas bonas in matèria de polìticas pro sa famìllia. In particolare sos àmbitos de interventu de su protocolu de intesa si podent batire torra a:

- promotzione de sos istrumentos comente: màrchios famìllia, istandard famìllia, pianos famìllia, distretos famìllia, sussidiariedade orizzontale e sistemas chi prèmiant siat in sa vida amministrativa siat in su guvernu de s'Istitutzione, pro fàghere madurare una cussèntzia de favore prus mannu in sos cunfrontos de sa famìllia, in collaboratzione e

cun sa partetzipatzione dereta de totu sos atores e sos organismos de sa sotziedade tzivile chi costituitu e rapresentant subra su territòriu su sistema famìllia, partende dae su ròlu de importu acumpridu dae sos assòtzios familiares;

- promotzione de s'inghitzu de su protzessu "Family Audit", isvilupadu dae sa Provìntzia autònoma de Trento cun sas lìnias ghiadoras pròpias, pro favorèssere su megioramentu de sas polìticas de contziliatzione tra vida de famìllia e traballu, in un'idea sussidiària tzirculare chi bidet interessados tres atores: "Istituzione, Impresas e Famìllias", pro fàghere crèschere una cultura de gestione de su personale in azienda orientada a sa famìllia;

Consideradu chi s'Amministrazione Comunale accollende sos indiritzos cuntènnidos in sas lìnias ghiadoras provintziales in s'àmbitu de sas polìticas familliares, pro ammaniare atziones a favore de su benèssere de sa famìllia e otènnere su reconnoschimentu dae parte de sa Provìntzia de Trento de su màrchiu "Family", at sebestadu unas cantas atziones subra de sas cales definire sos obietivos pro s'ammanadura de sos interbentos de promòvere;

Recramada sa Delìbera de Consìgiu Comunale n. 29 de su 29 de santandria de su 2018 chi at pro ogetu: "Aprovatzione Pianu de sos interbentos in matèria de Polìticas Familiars de su Comune de Romana pro s'annu 2019/2020", agiornadu a manera imbeniente;

Bida sa nota n. S162/2021/23.11-2017-54/LM/mgc pervènnida dae parte de sa provìntzia Autònoma de Trento Agèntzia provintziale pro sa famìllia, sa natalidade e sas polìticas giovaniles, relativa a sa comunicatzione de adesione a su *network* natzionale "Comunes amigos de sa famìllia", a su Registru de sos sugetos pùblicos e privados cun su nùmeru de iscritzione che pare a "29"(bintinoe);

Cunsiderada s'opportunità de apostivigare s'aggiornamentu de su "Pianu de sos interbentos in matèria de polìticas familliares pro sos duos annos 2023/2025 " in su testu allegadu, comente parte integrante e sustantziale;

Bidos:

- su Dlgs n. 267/2000;
- S'Istatutu Comunale;

cun votatzione a favore de sos presentes totu de acordu,

DELÌBERAT

de approvare s'aggiornamentu de su "Pianu de sos interventos in matèria de polìticas familliares

1. - annu 2023/2025" in su testu chi s'allegat a custu provedimentu, pro nde fàghere parte integrante e sustantziale, comente prevìdidu dae su disciplinare nou màrchiu "Family in Trentino - Categoria Comuni" aprovadu cun L.P. 16.03.2012 n. 2,

comente rechisidu n. 1 de rilevàntzia obligatòria;

2. De trasmettere còpia de custa deliberatzione, a sa Provìntzia Autònoma de Trento – Agèntzia pro sa Famìllia, sa natalidade e sas polìticas giovaniles.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **D.RA CONTINI ANTONELLA** in data **23/02/2023** at espressadu parre a **FAVORE**

PARRE DE REGULARITA' CONTÀBILE

Cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **23/02/2023** at espressadu parre a **FAVORE**

Su Presidente
Sindigu CATTE LUCIA

Su Segretàriu Generale
DUT. CARTA GIANCARLO

NOTA DE PUBLICATZIONE N. 111

Cunforma a s'art. 124 de su T.U. 267/2000 su Responsàbile de sa Publicatzione **DUT. CARTA GIANCARLO** atestat chi in data 23/02/2023 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia